



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 1. Vtrum Baptismus reipsâ susceptus sit infantibus omnino
necessarius ad salutem.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

54 Quæst. 68. De Suscipientibus Baptismum. Art. 9. Dub. 1.

15
Ratio.

Contra
fun, habe-
re peccatum
originalis,
& baptiza-
ri debere;
& contra,

Probatur Quartò, Ratione. Prima est, Infantes tenentur obstricti peccato Adami; ergo oportebat, vt essent etiam capaces remedij: quod remedium est baptismus. Patet Consequentia, Quia alioqui potius videtur peccatum Adæ, quam gratia Christi. Vbi adverte, Sicut Patres ex eo, quod Ecclesia iudicat infantes baptizandos, colligunt habere peccatum originale; ita viciissim ex eo, quod habent peccatum originis, certò probamus esse baptizandos; hac enim duo connexa sunt, & se viciissim illustrat. Secunda est, Christus non solum est Salvator adultorum, sed etiam infantum. 1. Timoth. 2: ergo consentaneum erat, ut illis commune remedium prescriberet. Tertia est, Sacraenta vim habent ex institutione diuina, non autem ex actu suscipientis: ergo suscipiens, etiam si nōdum sit capax rationis, potest vi Sacramenti iustificari; neque enim ratio illa, cur in adultis requiratur consensus, in infantibus locum habet, vt patet ex supra dictis num. 11.

16
Fondamen-
tom Ana-
baptistarū,

Sed Objiciunt Anabaptistæ. Primò, Matth. 28 v. 19. Ite, docete omnes gentes, baptizantes eos &c. Marci 16. v. 16. Qui crediderit, & baptizatus fuerit, saluus erit. Hic Dominus requirit ante baptismum doctrinam & fidem, cuius non sunt infantes capaces: ergo nec baptismi. Hoc argumento coacti sunt Lutherani admittere infantes actu credere: ad quod confundendum adseruerunt exemplū Ioannis Baptiste, qui Exultauit in utero & creditit. Sed, vt rectè D. August. epistola 57. ad Dardanum ait, Iniuriam facit humanis sensibus, qui putat infantes scire quid circa ipsos agatur in baptismo, aut prebere assensum sanctificationis, cum experientia confit ipsos rehuc fieri &c.

Refellitur.

Respondendum ergo, Illum ordinem propriè pertinere ad adultos, vt docet Innocentius III. Capitulo Maiores. de Baptismo: hi enim, vt inquit Hieronymus, Primò docendi sunt ea, quae ad fidem pertinent: Secundò baptizandi sunt: Tertiò monendi, & instruendi non sufficere fidem & baptismum; sed ulterius requiri praecitorum observationem. Hic tamen ordo non est semper seruandus, sed quando fieri potest. Vnde cum infantes non sint capaces instructionis, non seruantur in illis: sed primò baptizantur; deinde cum adoleverint, instruuntur in fide. Simili modo fiebat in Circumcisione.

Objicit Secundò, Gregorius Nazianzenus, Oratione in funerem Lauacrum, optar diffiri baptismum, donec infantes possint aliquid de fide sua respondere. Similiter Tertullianus lib. 1. de Baptismo sub finem, in quam sententiam propendet Erasmus Præfatione in Matthe. & Ludouicus Viues in c. 27. lib. 1. de Civit. Dei.

Nazianen-
i opinio no-
tauer Ana-
baptistis.

Tertullia-
ni errore.

Respondeo, Nazianzenus optat tantum differri ad triennium, vt pueri possint aliquo modo respondere; excipit tamen periculum mortis. Scenit ergo illos semper posse baptizari; & si differatur, solùm differendum esse ad triennium; qua tamen aetate nec possunt credere, nec pœnitere. Vnde haec sententia non iuuat Anabaptistas: Nazianzeno enim videbatur esse conueniens, vt ipsi metu possent respondere, quamvis nondum intelligent res fidei. Verum hoc Nazianzeni consilium parum habet utilitatis, & plenum est periculi: nam varijs casibus possunt infantes mori: vnde nunquam placuit Ecclesia, & rejicitur à Concilio Tridentino sess. 7. can. 13. Tertullianus

verò vult expectari aetatem idoneam fidei: Sed errat in hoc; sicut & in eo, quod subiungit, *Infantes non minore de causa procrastinando, donec annubant, aut continentia roborentur;* quod nec Anabaptistæ feruant. Argumenta eius sunt nullius momenti.

Dico Secundò, Quicunque in infantia sunt baptizati, postea aetate adulta cogendi sunt, vt Christianam religionem seruent. Est contra Erasumum, qui censet eos esse interrogandos cum adoleuerint, an velint fidem susceptam retinere; quod si nolint, relinquendos suo arbitrio. Quod expressè damnat Concilium Tridentinum sess. 7. can. 14. de Baptismo.

Et Confirmatur Primò, Ex consuetudine totius Ecclesie, que nunquam talem libertatem reliquit. Vide Canonom qui incipit, *De Iudeis* dist. 45. & Capitulum Maiores. de Baptismo & eius effectu. Confirmatur Secundò, Quia in lege Moysis Circumcisio tenebant seruare totam legem. Ethnici etiam in falsis religionibus, veluti ratione dstante, id seruabant, vt constat ex Platone lib. 10. De legibus. Lege quoque Ciuii pueri tenentur stare contractibus factis per tutores, quando sunt illis viiles. Denique vt recte notauit Albertus dist. 6. per baptismum non obligavit infans, nisi ad legem, quam suscipere tenebatur: vnde debet center ratus baptismus, & obligatio firma: præsertim cum contrarium cederet in magnam iniuriam Sacramenti, & religionis Christianæ, & in perniciem animarum.

D V B I V M I.

Vtrum baptismus reipsa suscepimus sit Infantibus omnino necessarius ad salutem?

O Missis Pelagianis, qui existimabant parvulos absque Baptismo morientes non perirent ad regnum celorum, licet aliam quandam Tres sententias. Prima est Calvini, infantes fidelium sine Baptismo saluari, eo quod peccatum originale ipsis non imputetur. Secunda est Cajetani art. 2. & 11. huius qua stionis, qui existimat infantes, si aliquo casu baptizari nequeant, & mors immineat, possent saluari per fidem parentum aliquo externo signo religioso applicatam, v.g. benedictione, aut infantis oblatione cum invocatione Trinitatis; & hoc remedium in eo casu vult esse ordinarium, id est, Deum ordinariè assistere. Quidam alii admittunt hoc remedium, tanquam prius, sed non esse ordinarium; piè tamen sperari Deum extraordinariori modo suppleturum effectum Sacramenti. Ita Iohannes Gerfon in tom. 3. Concio-

ne de Natiuit. beata Virginis. Ad quam sententiam accidunt illi Doctores, qui dicunt Deum supplere defectum Sacramenti, quando citra culparum suscipientis, aliquid essentialis deest. Vide Silvestrum Verbo Baptismus. 1. num. 5. Tertia est Catholica, Baptismum reipsa susceptum esse medium absolute infantibus necessarium ad salutem. Ita ut etiam in extrema necessitate non habeant ullum aliud remedium ordinarium: Nec etiam credibile sit, Deum extraordinario modo Sacramenti effectum suppleturum, si forte aliquid eius substantiae debet. Prior pars est fide certa. Secunda pars est fidei proxima. Tertia pars ita cer-

Geron.

19. Vera &

Catholica.

Ex Scripturis.

ta, ut contrarium sit improbabile. Probatur Prima pars, & obiter reliqua. Primo, ex Scripturis Ioannis 3. v. 5. *Nisi quis renatus fuerit ex aqua & Spiritu sancto, non potest intrare in regnum Dei.* Hic significatur, Baptismum esse medium necessarium ad salutem: sicut, si quis diceret, *Nisi pharmacum sumperis, non potes conualescere.* Non enim hanc significatur praeceptum, quoniam medium necessarium. Quod patet, *Tum ex ratione quam Dominus subiicit v. 6. Quod natum est ex carne, caro est; & quod natum est ex spiritu, spiritus est.* Ideo dixi, oportet vos nasci de novo: quasi dicat, per nativitatem carnis solum habetis, quod sitis caro, unde necessarium debetis renasci ex aqua & Spiritu, ut fatis spiritus, id est, spirituales. Tum ex figura animalis Serpentis, & Arcæ Noë: quorum ille, unicum erat remedium contra mortuum serpentem; haec, contra interitum per aquas diluvium; Iohannis 3. & 1. Petri 3. Sic enim Baptismus est unicum remedium contra mortem eternam. Vide, D. Augustinum lib. 1. de Peccatorum meritis & remissione cap. 30. ubi hunc locum excutit.

Respondet Caecitanus, verba illa *Nisi quis renatus &c.* intelligenda esse conditionate, *Si fuerit possibile.* Sed contra: Haec conditio additur sine ullo fundamento & auctoritate: ac ex dictis supra art. 2. de necessitate mediij manet refutata.

Alij dicunt, infantem renasceri ex aqua & Spiritu sancto per votum parentum; sicut adulstus renascitur voto proprio, quoniam exterius non percipiat Baptismum. Et confirmatur, Quia infantes dicuntur credere fide parentum. Sed contra: Votum alterius nihil potest infanti prodesse, cum ne proprium quidem votum alicui proficit, nisi sit coniunctum cum vera conversione mentis, que conuersio non potest esse in paruolo. Ideo enim votum in adultis supplet vicem Baptismi, quia coniunctum est cum propria dispositione ad iustificationem. Dispositio autem, que in altero est, infanti nihil prodest. Ad Confirmationem: dicuntur credere fide parentum, quia per illam offeruntur ad Baptismum, & re ipsa consequuntur, & consequenter fidem; sicutque sunt fideles. Nec obstat, quod dici solet, voluntatem parentis reputari voluntatem parvuli: hoc enim solum verum est in ijs, qua parens iure suo facit, que postea filius non potest rescindere: quod, si crudeliter accipiatur, est falsum: sic enim prava voluntas patris noceret infanti; vt si offerret infantem Idolis & Baptismus, contra voluntatem parentis datus, esset irriter: denique infans etiam extra necessitatis articulum posset solo desiderio parentis salvari.

Probatur Secundò hæc veritas ex Concilij & Traditione Ecclesiastica. Ecclesia enim semper existimauit infantes sine Baptismo decedentes perire: vnde nec preces pro illis offert, nec sepulturam concedit. Patet, tum ex ysu Ecclesia, tum ex Concilio Carthaginensi & Mileuitano apud D. Augustinum epist. 90. & 92. ubi ex professio damnatur sententia eorum, qui putant parvulos sine Baptismo salvati posse. Concilium Tridentense 5. can. 4. docet translationem ex statu, in quo nascimus filii Adami, in statum gratiae, non posse fieri post Euangelium promulgatum, nisi lauacro regenerationis aut eius voto: vnde cum votum non habeat locum in parvulis, aperte sequitur non posse salvati sine reali Baptismo.

Probatur Tertiò, Ex testimonij Pontificum.

Siricus Papa epist. 1. cap. 2. & Innocentius I. Epist. 26; ad Cœciliū Mileuitanum exprefse docent Parvulos certè perire, si sine baptismo moriantur. Idem docet Gregorius Papa lib. 7. epist. 53. & Innocentius III. Capitulo *Non ut apponeres*, de Baptismo & eius effectu: ubi respondet, pueri qui propter aquæ penitentiam saliu fuerat aspersus, non esse Christianum, *Quia*, inquit, *requiriunt aqua, inquit illud: Nisi quis renatus fuerit ex aqua & spiritu.*

Probatur Quarto. Ex Patribus. D. Augustinus epist. 28, ad Hieronymum, *Quisquis dixerit, quid in Christo vivificabuntur etiam parvuli, qui sine Sacramento & eius participatione de vita excent, hic totam condemnabit Ecclesiam;* ubi propriea cum baptizandis parvulis festinatur & curritur, quia sine dubio creditur aliter eos in Christo eminente vivificari non posse. Et lib. 3. de Anima & eius origine cap. 9. dicit, *Non esse Catholicum*, qui putat infantes sine baptismo posse originalis culpe indulgentiam consequi. Omitto reliquos Patres.

Probatur Quinto, Ratione. Prima est contra Caluinum: *Parvuli nascuntur in peccato originali*, vt nunc supponas ergo non possunt salvare sine remedio peccati originalis; quod est baptismus.

Respondet Caluinus, contrahere quidem peccatum originale, sed non imputari, eo quod sunt filii fidelium, quibus facta est promissio, Genesis 17. *Ego Deus tuus & semini tuus.*

Sed contra, Quia hoc implicat contradictionem, *Contrahere peccatum, & illud non imputari.* Nam in quo est peccatum, is necessario à Deo reputatur peccator. Sicut enim Deus necessario odit peccatum, ita & peccatorem: *Odio enim sunt Deo, impius & impietas eius.* Sapient. 14. verf. 9. Si dicas; Per hanc non imputationem peccatum tolli: Infero: Ergo nunquam haberunt peccatum originale, contra Scripturam, & ipsum Caluinum. Patet consequentia; nam in primo instanti concepcionis sunt filii fidelium, & proinde in primo instanti remittitur; quare non contrahunt illud.

Secunda Ratio est contra Caecitanum. Si in extrema necessitate parvolorum, quando Baptismus adhiberi nequit, est aliquod remedium ordinarium, id Ecclesiam haec tenet non latuisse: nam que sunt necessaria ad salutem, non ignorat. At constat Ecclesiam nunquam tale remedium agnouisse: nam exprefse docent Concilia & Patres sine Baptismo infantes non posse salvare. Eadem ratione probatur non esse credibile, Deum interdum extraordinario modo supplere effectum Sacramenti: quomodo enim id Patres latuisse? Item cur Ecclesia non orat, aut docet fideles orare Deum, vt salvaret infantes sine Baptismo morientes, nisi quia nulla spes est salutis? Sicut enim non orat, vt salvaret illum, qui moritur sine penitentia; ita nec orat, vt salvaret infantem sine Baptismo; quia nulla salutis est spes vel probabilitas: vnde talis actio non pia, sed potius superstitionis censenda est. Et confirmatur; quia si rogandus sit Deus, vt aliquid faciat contra legem ordinariam, potius rogandus est vt extraordinario modo curat adhiberi Baptismum, quoniam vt effectum Baptismi invisibiliter suppleat, Baptismo non existente. Accedit, quod Deus nunquam facit miracula, nisi aliquo saltem externo signo posuit hominibus innotescere; ac proinde non sanctificat interior contra legem ordinariam, nisi co modo qui posse exterior innotescere.

Ecc iii. Tertia

Ex refutac-
tis Pontificis
cum.

Catholica
sententia
virgear
contra Ca-
citanam ex
auctoritate
Ecclesie.

Caecitanus
& aliorum
solatio
reducitur.

Infantes
voto par-
tum non
possunt
saluari.

In quibus
voluntas
parentum
confutatur
voluntas
filij.

Ex Conci-
lij & Tra-
ditione.